



सानसेयारि "बड'सा" खीरालाइयाव  
अमाज्यारि जिउजो लोब्बा थानाय रुयथाय, खन्थाय,  
अल', अल'बाथा आरु हावबायारि थावनि, पाक  
बाइदिनि सायाव लिहनाय लिहनिबां हैथाय ठर/  
सानसेयारि "बड'सा" खीरालाइया सेबखानावै  
फोखावगेन।

बड'सायाव लिहनायनि हुबा खालाम,  
"बड'सा" खी नोथा, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Monday ★ 30 December, 2024 Kokrajhar, BTC, Assam ★ Vol.-33, Issue No. 273 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## असम साहित्य सभानि आफादगिरि महुरै सायख'जाबाय ड० बसन्त कुमार गस्वामीआ



गुवाहाटी, 29 डिसेम्बर:  
थुनलाइगिरि, संदानगिरि ड०  
बसन्त कुमार गस्वामीआ  
असम साहित्य सभानि  
आफादगिरि महुरै सायख'

जाबाय। बिथाडा  
बिसायख'थि गेजेरजो गां  
384 भट मोनानै देरहासाद  
जायो। बेराफासै बिथानि  
हैथायै बादायनाय बिजाथि ड०  
उपेन राभा हाकासामआ गां  
309 भट मोनानै मोन।  
मख'नो गोनांदि, -असम  
साहित्य सभानि 2025-27  
बोसोरनि आफादगिरि, लेडाइ  
आफादगिरि आरो गाहाइ  
नेहाथारि बिबान सायख'नो  
थाखाय भट खु'नाय  
जादो मोन। लेडाइ  
आफादगिरि महुरै गां 385 भट  
मोनानै सायख' जायो पदुम  
राजखवाआ। □

# 24 घन्टानि गेजेराव मोनथाम गिदिर उरां जाब्रबथाय

## रानवेनिफ्राय रिमिनलानै सा 179 दावबायारिफोर जिउ गोमादो

सिउल, 29 डिसेम्बर: खोला करियानि मुयान  
हारिमायारि उरां गाथोनव दिने मोनसे गिखंथाव  
उरां जाब्रबथायजो सा 179 दावबायारिफोर जिउ  
गोमानाडे। बोखोग्रा हान्जाया जाथायथिलिफ्राय  
गोथाडे नो सानै सुबुंखौ बोखानानै रैखा  
खालामनो हायो। नोजोर होथावनादि, -थानाय  
24 घन्टानि गेजेराव मुलुगनि दाब दाब  
हादतआव मोनथाम गिदिर आरो गिखंथाव उरां  
जाब्रबथायनि जाथाय सोमजिलानो।

खौरां सुलुआ फोसावनाय बादिदै दिने फुंबिलि  
9:07 रिगासोयाव जेजु एयार लाइन्सनि गंसे उरांआ  
बागलाय फैनाय समाव रानवेनिफ्राय रिमिन लानानै  
उरां गाथोननि बाउन्डारि वालआव सोग्राव हैनानै  
बे गिखंथाव जाथाय सोमजियो। खौरां सुलुनि  
बादिदै बेंककनिफ्राय फैफिन्नाय बे उरांआव सा  
181 दावबायारि आरो सा 6 कृ मेम्बराफोर  
दडमोन। दावबायारिफोरनि गेजेराव सा 2



थाइलेन्डनि आरो गुबुन माखासेया खोला करियानि  
सुबुंफोरमोन। उरां गाथोन सामलायगिरिफोरनि  
बादिदै लेन्डिं गियारआव जेना सोमजिनानयनि  
थाखायनो जानो हागो होनानै सन्देह जानाय  
फोरमायदो।

बेनि सिगां शनिबारनि हरखाव एयार कानाडानि  
गंसे उरां जाहाजआ हेलिफेक्स उरां गाथोनव  
इमार्जेन्सि लेन्डिं खालामनो गोनां जायो। बे उरांआ  
इमार्जेन्सि बागलायनायनि उनावनो उरांआव अर  
नाडो। अबलाबो उरांनि दावबायारिफोरखौ  
खेफोदनिफ्राय बोखानानै रैखा खालामनो हायो।  
जाब्रबथायाव गोलेनाय बे उरांखौ कानाडानि पाल  
एयारलाइन्सनि एसि2259 होनानै मिबथिनाय  
जादो।

गुबुन मोनसे जाब्रबथायाबो शनिबारनि हर  
गेजेराव नरवेनि अचल' तर्प चेन्डफजर्ड उरां  
गाथोनव इमार्जेन्सि (□ 6 बिलाइआव)

## बिटिआर सरकारआ दिने कमिउनिटि भिजन डकुमेन्ट बेखेवगोन

कक्राझार, 29 डिसेम्बर:  
बिटिआर सरकारआ गाबोन  
बिटिआर कमिउनिटि भिजन  
डकुमेन्ट बेखेवनायनि मोनसे  
गेदेर हाबाफारि लादो। राइज्योनि  
राजश्रवनि नोगोर गुवाहाटीनि  
मासक्वाआव थानाय  
आइटिएआव बे हाबाफारिखौ  
खु'नाय जागोन। जेराव  
बिटिआरनि गाहाइ मावफुं  
सोद्रोमा प्रमद बर'नि  
नुजाथिनायाव आसामनि राइज्यो  
बेंगिरि लक्ष्मन प्रशाद आचार्यआ  
बे कमिउनिटि भिजन



डकुमेन्टखौ बेखेवनायै होगोन।  
गाबोन बेखेवनायै गोनां बे भिजन  
डकुमेन्टआ बिटिआरनि सिखव  
थानाय गुबुन गुबुन हारि-

हारिसाफोर जेरै- बर'खो  
लाफानानै गार', राभा, हाजं,  
मदाहि कछारि, बरमन मान्दाय,  
बरमन कछारि, नाथयगी, सुत्रधर,

केवत, गरियामरिया, कलिता,  
हिन्दी भाषि, गखा, सरनिया  
कचारि, कच राजबंसि, मुस्लिम,  
आदिबासि, सान्ताल, कुरुक,  
मुन्दा, उरिया, देशि, जलहा,  
बेंगलि आरो नामाचुध्र, कइबार्त,  
मालि, हिरा, बेंगलि सुत्रधर,  
पातनि, मुसिखौ लाफानानै  
एससि हारिसाफोरनि  
हास्थानाय आरो कौशलआरि  
थांखिखौ बेरखो होगोन। बे  
भिजन डकुमेन्टखौ बेखेवनायनि  
गुबै थांखियानो जाबाय बिटिआर  
(□ 6 बिलाइआव)

## धेमाजि जिल्ला एबसुनि 30थि बोसोरसालिया जथुम्मा आरो सिमेन दख'रा एबसुनि 34थि बोसोरसालिया जथुम्माया खुंजाबाय सोलोथाइनि जांखिखांनायाव साफ्रोम फरायसाफोरजो लो गोसे बिमा-बिफायाबो बाहागो लाफाथारनांगोन: दिपेन बर'

सिमेन सापरि, 29 डिसेम्बर:  
धेमाजि जिल्ला दुलाराय बर'  
फरायसा आफादनि खुंगा 30थि  
बोसोरसालिया जथुम्मा लो गोसे  
सिमेन दख'रा दुलाराय बर'  
फरायसा आफादनि खुंगा 34थि  
बोसोरसालिया जथुम्माया  
धेमाजि जिल्लानि सिखव थानाय  
सानजारि नोगोर सिमेन सापरि  
हालामनि समक'रंग'मन्चआव



28 आरो 29 डिसेम्बर, 2024  
खालारखालि साननैनि मेहेरगोन  
हाबाफारिजो खुंफुजाबाय।  
बोसोरसालिया जथुम्मानि दिने  
जोबथा सानाव फुंबिलिनि  
हाबाफारि बायदिदै बिफां फुलि  
गाथनाय हाबाफारिनि उनाव  
धेमाजि जिल्ला दुलाराय बर'  
फरायसा आफादनि गोथार  
(□ 6 बिलाइआव)

## एबसुनि खोला बिजनी दख'रा आफादनि सनाथि माइथाय फोर्बो आरो सावदरभिता गुदि बर' थुनलाइ आफादनि जथुम्माया जाफुंसांरि थुंगेबाय

माहारीयारि सान्थौजो जौगाला गोरोबलायहोनाय आसाम  
सोनजिनो एमपि जयन्त बसुमतारिआ खावलायदो



भबानिपुर, 29 डिसेम्बर: सालबारिनि साखाथि साखाथि  
सावदरभितानि खौसेथि फोथाराव सानथामनि हाबाफारिजो खुंजानाय  
दुलायय फराय आफाद (एबसु) नि खोला बिजनी दख'रा आफादनि  
सनाथि माइथाय फोर्बो आरो सावदरभिता गुदि बर' थुनलाइ  
आफादनि 18थि जथुम्माया दिने थुंगेबाय। दिने फुं समाव मराटन  
खारनाय बादायलायनाय खुंनाय जादो। (□ 6 बिलाइआव)

## चिरांनि चापागुरीयाव होबथाजानाय ड्रग्सजो लो गोसे सासे सुबुंखौ हमदो

बासुगाव, 29 डिसेम्बर: चिरां  
पुलिसआ गोदान जोलैजो  
लो गोसेनो सुबुंफोरनि देहा-  
सोलेरखौ खहा खालामग्रा बिष  
गोनां जाथोनि होबथाजानाय  
ड्रग्सनि हैथायै नागिरसनाय  
हाबाफारिखौ लाबाय थादो।  
मख'नो गोनांदि, मोनसे स्नोद  
सुलुनि बिथायाव जिल्लानि  
चापागुरी चारियालियाव थानाय  
हराव पुलिसआ मोनसे  
सिग्रोमनाय हाबाफारि  
लादो मोन। बे समावना  
(□ 6 बिलाइआव)

## तामुलपुर जिल्ला बर' थुनलाइ आफादनि 19थि बोसोरारि जथुम्मा आरो सान्जा डेफेलि गुदि बर' थुनलाइ आफादनि 30थि बोसोरारि जथुमखौ खुंफुंबाय

तामुलपुर, 29 डिसेम्बर:  
तामुलपुर जिल्लानि सिखव  
थानाय नावकाटयाव सान्थामनि  
हाबाफारि लानानै नावकाटा  
बैसागो सालियाव तामुलपुर  
जिल्ला बर' थुनलाइ आफादनि  
19थि बोसोरारि आरो सान्जा  
डेफेलि गुदि बर' थुनलाय  
आफादनि 30थि बोसोरारि  
जथुम्माया मेहेर गोनाडे  
खुंफुंजायो। दिने जोबथा साननि  
हाबाफारियाव फुंबिलि समाव  
साखोन-सिखोन खालामनाय,  
जिल्ला बर' थुनलाइ आफादनि  
फिरफिला बिरहोनाय,



मुंखल'फोरनिसिम बिबार  
बाउनाय आरो बर' थुनलाइ  
आफादनि रंसारि जालानाय  
गेदेमाफोरखौ बिबारजो मान  
बाउनाय हाबाफारिया  
मावफुंजायो। बेनि उनाव  
(□ 6 बिलाइआव)



लिरगिरिफोरनि गां 15 बिजाब  
बेखेवनायनो बेनि गुबुन मोनसे  
बिदिन्थि। बर' आइजो

गौथुमआ। बर' आइजो लिरगिरि  
गौथुमनि बान्जायनायाव दिने सा  
15 आइजो लिरगिरिफोरनि  
लिरनाय गां 15 राइथाय,  
खन्थाइ, सुंद'सल',  
थुनफावथाय बिजाबफोरखौ  
बेखेवो। कक्राझार सहरआव  
थानाय नाटिभिस इन्स्टिटुट  
अफ बड'लजिनि मावखुलियाव  
मोनसे हाबाफारि खुंनयनि  
गेजेरजो गां 15 बिजाबफोरखौ  
बेखेवनाय जायो। दिने  
(□ 6 बिलाइआव)

## बि टि आर गोरोबथाजो लो गोसे बि टि सि गोरोबथानि आद्रा थालानाय दफाफोरखौ आबुडै मावफुंनायाव एबसुआ रावजोबो कमप्रमाइज खालामनाय नडा: अबित नार्जारि



कक्राझार, 29 डिसेम्बर: दतमा दख'रा दुलाराय बर'  
फरायसा आफादनि खुंगा 41थि बोसोरसालिया जथुम्माया 28 आरो 29  
डिसेम्बर, 2024 खालाराव साननैनि मेहेरगोन हाबाफारिजो  
सिखारबिल गेजेर फरायसालिनि गेलेग्रा फोथाराव खुंफुंजायो।  
बोसोरसालिया जथुम्मानि मैया गिबि सानखालिनि हाबाफारि  
बायदिदै गेलेमु आयदा, थुनलाइयारि आयदा बायदि बायदि  
हाबाफारिजो लो गोसे 1थि थान्दै (□ 6 बिलाइआव)

## बजालिनि बालापारायाव बिकेडब्लिउएसिनि मावफुं सोद्रोमाया गेलेमुनि मुवा-बेसाद बेखेवदो



भबानिपुर, 29 डिसेम्बर:  
बजालिनि बालापारायाव बर'  
कछारि वेलफेयार अटनमास  
काउन्सिल (बिकेडब्लिउएसि)  
नि मावफुं सोद्रोमा महिपाल  
बर'नि मदत होनायाव दिने

मावखुलियाव बर' कछारि  
वेलफेयार अटनमास  
काउन्सिलनि मोनसे बिथांखिनि  
गेजेरजो रेजिस्टार जानाय गेलेमु  
आफादफोरनि गेजेराव गेलेमुनि  
मुवा-बेसादफोरखौ महिपाल  
बर'आ गथायना होदो। मख'नो  
गोनांदि, दिखलदख स्पटर्स क्लाब,  
मेथितारि स्पटर्स क्लाब, बालापारा  
टाइगर क्लाब, जामगुरि लाइमोन  
संघ आरो बैरगी बरसाहान स्पटर्स  
क्लाबनि गेलेगिरिफोरनो  
भलिबल, फुटबल, भलिबल-  
फुटबलनि जासि, भलिबलनि नेट,  
फुटबल गल पस्टनि नेट  
बायदिफोखौ गथायदो। □







## सनितपुर जिल्लायाव राइज्यो बेंगिरिया सरकारि बिथांखिफोरखौ नायगिदिहैदों

गुवाहाटी, 29 डिसेम्बर : आसामनि राइज्यो बेंगिरि लक्ष्मण प्रसाद आचार्यआ गुबुन-गुबुन सरकारि बिथांखिफोरखौ नायसहैदों आरो हाबाफारिया बेसेबां मावफु'जादों, गायसनजादों बेफोरखौबो खौरां लायो। राइज्यो बेंगिरिनो जिल्ला बेंगिरि अंकुर भरालीआ बिथांखिफोरनि बागै गुवाँरे खौरां होयो। राइज्यो बेंगिरिया मिशन अमृत सरभरखौ गोखोडै नायबिजिनो बिबानगिरिफोरनोबो बिथोन होदों। बिथाख सोलौंथाइ बिफाननोबो फरायसालि नागारनायनि हारखौ खम खालामनो थाखाय सोलौंखाथि थियारि खालामनायनि बिथोन होदों। टिबि उदां भारत अभियानखौ नायसनाय समाव



राइज्यो बेंगिरिया सुबुंफोरजों लोगो जाफ्लानाय आरो मुगैलायनायखौ आबुडै फोजोबनाय मिशनाव बिहोमा होनो खावलायो। बिथाख पिएमएवाइ (जि) जल जीवन मिशन, पिएम किसान सन्मान निधि आरो पिएम फसल बीमा यजना बायदि,

बिथांखिफोरनि जौगानायखौबो नायसडो। बेफोरनि अनगायै राइज्यो बेंगिरिया गावनि बिसि कुमुद देबी आरो तेजपुरनि एमएलए पृथ्वीराज रघाजों जयै महाभैरव मन्दिराव दर्शन खालामहैयो आरो आसामनि सुबुंफोरनि गाहामनि थाखाय आर'ज गाबो।

गुवाहाटी, 29 डिसेम्बर: आसामनि गिबि मन्थि ड॰ हिमन्त बिश्व शर्माआ बाराग' गाहाइ मन्थि ड॰ मनमहन सिंनि जोबथा बिदाय होनाय बेबस्थाखौ लानानै गोदान जेना सोमजिखांहोदों। एक्सआव गिबि मन्थिआ लिरदों, 'गोखों आरो नोरोम रजखाथि दैदेनगिरि ड॰ मनमहन सिं जिउ आरो थैनाय मोनैआवबो साबसिन मोन्थाय दंमोन। बिथांनि बे बाथ्राया ओरेबायदि समाव नुजाथिदों, जेब्ला ड॰ सिंनि स्मृति यजनाफोरखौ लानानै बांबोनाय दा-थे-बिदा-थे सोलिदों। गाहाइ मन्थि नरेन्द्र मदिआ मोनसे गोसोखांथिनि थाखाय यजनाफोरखौ फोसावदों। नाथाय जर'खा गुवाँ



खौरांखौ दासिमबो फोसावथ'नाय जायाखै। गावनि गोखों सावरायनायाव शर्माआ कंग्रेस पार्टीनि गुबुन मुंदांखाफोरजों आखुखौ रुजुदों। बिथाख बुंदों, बेयो गिबि खेब नड, जेब्ला बिथामोनहा नरसिंह रावनि बिरासतनि फारसे बेबायदि मान होयै दिन्थिदों आरो प्रणव मुखार्जि बिथांखौबो। आसामनि गिबि

मन्थिआ कंग्रेसनि सिडाव जारिमिनारि जेना

सोलिनायफोरखौबो रायखांदों, जर'खायै रहलु गान्धी आरो ड॰ सिंनि गेजेराव बै समाव नुजाथिनाय जेनाखौ रायखांदों। शर्माआ बुंदों, सुबुंफोर दासिमबो ड॰ सिंआ गाव गाहाइ मन्थि बिबानाव थानाय समाव अपमान खालामजानायखौ गोसोखाडे, जेराव रहलु गान्धीनि गात्रि इसाराफोरबो दंफायो, जाय बिथांनि हासारखौ खम

खालामदों। बेबायदि नायबिजिनरनाया हादतनि गोसोखांथिनायवो दड। बिथांनि थैनायनि उनाव ड॰ सिंनि बिरासतखौ राजखांथियारि मानहानिजों दागो फोनांनो नाडामोन। फे जों बिथांनि गोसोखांथिखौ बै मान-सन्मानजों बरायनो, जायनि थाखाय बिथांहा मोन्थाय दड।

## सा-सान्जा सिमना रेलवेआ महामारिनि सिगां ट्रेनफोरनि अन्जिमाखौ हगारगोन



इम्फल, 29 डिसेम्बर : आसामनिफ्राय मिज'रामनि लामाजों मणिपुरआव औवानि खादाजों लाबोनाय फाथैफोरखौ गामिनि माखासे समाजयारि आफादफोर हमनानै लाखियो। बेरफासै मणिपुर बिष्णुपुरनि मइरां लमखाइआव मिरा पेबिस (आइजो सांग्रांथि आफाद) आ बे फाथै खादाफोरखौ अर लगायनानै सिलिंखार खालामो। रेलवे मावख'यारि सुलुड थानाय शनिबार हराव बे खौरांखौ फोसावयो। मिबथिनाय बादिदै गं 10 फाथै खादाफोरखौ 34 बोसोर बैसोनि सासे फालांगि महम्मद आबुल खलिपआ सिलचर (आसाम) निफ्राय आइजल (मिज'राम) नि लामाजों मणिपुरसिम लाबोदोंमोन। बे गय-फाथैफोरखौ शनिबारखालि आइजल, चुराचान्दपुर आरो क्वाक्या गामिनि लामाजों इम्फलआव लांनो नागिरदोंमोन। बे खौरांखौ मोन्नायनि उनाव मणिपुरनि बिष्णुपुर जिल्लानि क्वाक्या गामिआव महम्मद आबुल खालिपआ फाथै लानानै थांबाय थानाय समाव गामिनि समाजयारि आफादनि सोद्रोमाफोरा होबथायो। बिसोर बे मुवा-बेसादफोरखौ जब्द' खालामनानै बेफोरखौ आइजो नोजोर होग्रा आफादफोरनो गथायनानै होयो। बे समाव बिष्णुपुर जिल्लानि मिरा पेबिसआ बे फाथैफोरखौ हरनि 11 रिंगायाव मिडिया मावसुमाफोरनि नुजाथिनायाव सावनानै सिलिंखार खालामो। बे निसा मुवाखौ बांसिनै मणिपुर आरो माखासे राइज्योफोरवा बाहायो होन्नानै मिबथिनाय जायो। बेरफासै मणिपुराव फाथैनि डिमान्डआ गोबांथार होन्नानैबो मिबथिनाय जायो।

### सुचना

सुचित किया जाता है कि मैं परमानन्द मुसाहारी पुत्र कामेश्वर मुसाहारी व प्रमानन्द मुसाहारी पुत्र कामेश्वर मुसाहारी दोनों ही नामों से जाना व पहचाना जाता है। मेरे आधार कार्ड में मेरा नाम परमानन्द मुसाहारी है भविष्य में मुझे केवल परमानन्द मुसाहारी पुत्र कामेश्वर मुसाहारी नाम से ही जाना व पहचाना जाय।

परमानन्द मुसाहारी पुत्र- कामेश्वर मुसाहारी  
ग्राम- बेलगुरी,  
पो. ओ.- आप्लगाव,  
जिला- कोकराझार ( आसाम)  
फोन नंबर- 9401740451

### IMFORMATION

This to imformation that I am known and reconiged by both the Named Parmanand Mushahary son of Kameswar Mushahary and Pramananda Mushahary Son of Kameswar Mushahary my name is Parmananda Mushahary Mentioned in Aadhar Card, School Certificate, Pan Card and Voter Card in Futur I should has known and recognized only by the name of Parmanand Mushahary Son of Kameswar Mushahary.

Parmanand Mushahary  
S/o.- Kameswar Mushahary,  
Vill- Belguri, P.O.- Aflagaon,  
Dist- Kokrajhar (Assam).  
Mobile No- 9401740451.

## मिरुनि मन्थि प्रहलाद जशीआ त्रिपुराआव दावबाय फैदों

आगरतला, 29 डिसेम्बर : मिरुनि मन्थि प्रहलाद जशीआ सान्नेनि हाबाफारिजों त्रिपुरयाव दावबायहैदों। बे साव बिथाख बुंदों, 2014 निफ्रायनो गाहाइ मन्थिया 'एक्ट इस्ट' नि थांखि लादों। भारत सरकार सा-सान्जा भारतनि थाखाय जर'खा यजनाफोर लादों आरो बेखौ नायसनांगो त्रिपुरानि गिबि मन्थि माणिक साहानि दैदेनाय गोबां खामानि मावनाय जादों। गिबि मन्थि आरो बिबानगिरिफोरा मिरुनि मन्थिनो माखासे जेनाफोरनि बागै मिबथिहोयो। बेफोर जेनाखौ बोसांनय जागोन। जशीआ फोसायबावोदि, भारत सरकार आथिखालाव गाहाइ मन्थि मदिनि दैदेनायाव नार्सफोरनि थाखाय मोनसे जर'खा यजना सालायगासिनो दं, जायखौ नायसनांगो दं। बिजेपिनि गागि दैदेनगिरि प्रहलाद जशीआ त्रिपुरनि गिबि



मन्थि माणिक शाहखौ बाखायदों। बिथांनि हाबाफारि मावनायफोरा मा बायदियै सोलिदों बेखौ मिरुनि मन्थिया नायसफैदों होन्नाबो बुडो। त्रिपुरयाव गिबि मन्थिया खामानिफोरखौ मोजाडै नो मावदों। राइज्योनि मन्थिफोरा आरो बिबानगिरिफोरा राइज्योनि जेना आरो आयदाफोरनि बागै मिबथिहोयो। माखासेखौ सुसांना होनाय जाबाय आरो

आद्रा आयदाफोर लोब्बा गोनां मावख'फोरजों सावरायनायनि उनाव थांखि लानाय जागोन होन्नाबो मिरुनि मन्थिया बुडो।

## आसामाव 15 कौटि रांनि फेग्रा बेसाद जब्द, सानै ग्रेप्टार

गुवाहाटी, 29 डिसेम्बर: आसामाव फेग्रा बेसादनि मोनसे गिदिर नायबिजिनरनायाव बिबानगिरिफोर गासै 15 कौटि रां बेसेननि याबा टेब्लेट जब्द खालामो आरो बेनि हँथायै सानै सुबुंफोरखौ ग्रेप्टार खालामो।



गिबि मन्थि ड॰ हिमन्त बिश्व शर्माआ बे हाबाफारिखौ काछर जिल्लायाव सालायनाय जादों होन्ना रबिबारखालि फोसावदोंमोन। शर्माआ फोरमायनाय बायदिब्ला फोथायजाथाव संगालि खौरांनि सायाव नायबिजिनरनाय काछर

पुलिसआ गुंगुर बाइपासआव मोनसे जर'खा हाबाफारि जागायो। बे अपरेशननि समाव बिसोर नसुंसे राइज्योनिफ्राय दावबायबाय थानाय गंसे गारिखौ होबथाना नायबिजिनरनायाव मोनबा आलादा आलादा पकेटफोरव लाखोमानाय याबानि गासै 50,000 था

टेब्लेटफोर मोनो, जायखौ थानाय शनिबारखालि जब्द खालामो। बेयाव सानै सन्देह खालामथावफोरखौ जिम्मायाव लायो आरो आयेन बेरेखायै सालायनाय गारिखौबो जब्द खालामो। बेरफासै गिबि मन्थि शर्माआ राइज्योखौ निसानिफ्राय उदां खालामनो थाखाय सालायबाय थानाय मिसनाव गोब्रबैनाजानायनि थाखाय आसाम पुलिसखौ बाखायो। याबाखौ अक्सर थाइयाव 'पागल दवा' बुनाय जायो, जाय मेथाफेयामाइन आरो केफिनि मिश्रणजों बानायनाय मोनसे गोबां निशा थानाय मुलि।

## लकप्रिय गपिनाथ बरदलै हारिमायारि उरां गाथोना दावबायारिनि रिकर्ड खालामदों

गुवाहाटी, 29 डिसेम्बर: कम्पानीनि मोनसे खेंफोरथि बायदिब्ला, अक्टबर 2021 आव आदानी गुपआ गावनि फालांगियारि सामलायनाय बिबानखौ आजावनायनि उनिफ्राय गुवाहाटीनि लकप्रिय गपिनाथ बरदलै इन्टरनेसनल एयारपर्टआ बे बोसोरव गावनि दासिमनि बयनिखुडबो बांसिन इन्टरनेसनल दावबायारि आरो उरां हान्था-मेला खालामनो हादों। लोगोसेनो नख'रारि दावबायारिफोरखौबो बांनय मोन्नो हादों आरो बोसोरसाडै



गोदान नख'रारि फोनांजाब सरजाबफादों। बे सुबिधाया 6.26 मिलियन नख'रारि आरो 85,000 नि बांसिन इन्टरनेसनल दावबायारिफोरखौ बेयाव नुनो मोन्दों। नख'रारि दावबायारिफोरनि गेजेराव 3.09 मिलियनआ हाबफेनाय आरो

3.17 मिलियनआ बेनिफ्राय थानायमोन। बेनि अनगायै 47,578 इन्टरनेसनल दावबायारिफोरखौ हाबफेनाय आरो 38,528 आव बेनिफ्राय थादों। मख'जाथावदि, एलजिबिआइएफहा पार', मालेशिया आरो सिंगापुरआव थानाय थोंजों प्लाइट मोनो। गु व ा ह ा ट ि न एलजिबिआइएफिफ्राय मोन 3 गोदान नख'रारि लामाखौ बेखेवदों। बेनो जादों-गुवाहाटी-आहमेदाबाद, गुवाहाटी-दुर्गापुर आरो गुवाहाटी-जौर', जायजों फालांगि, टुरिस्म आरो हारिमुआरि सोलाय-सोल'नि गोदान लामा गेवनायनि मिजिं दड।

## एनएससिएनआ ग्रेप्टार खालामजानाय सुबुंफोरजों लोब्बा थानाय बाथ्राखौ नेवसिगारदों

गुवाहाटी, 29 डिसेम्बर : नेशनेल सशेलिस्ट काउन्सिल अफ नागालेन्ड-इडनिफेकेशन (एनएससिएन-इड) रेनबेन मझुइखौ ग्रेप्टार खालामनायनि सोमोन्दै सशेल मिडियाआव फोसावनाय मोनसे रिपर्टखौ नेवसिदों। फिनजाथाइयाव नागालेन्ड बिग्रायारि हान्जाया

रेनबेन मझुइजों लोगोसे सोमोन्दो थानायखौ रोखायै नेवसिगारदों, जेराव बुंनय जादोंमोनदि, बेबायदि माखासे सुबुंआ जिपिआरएन/एनएससिएनइड रेंनि सिंआव गैया। बेनि अनगायैबो, हान्जाफोरा बे बाथ्रानि सायाव रोखा खालामोदि, मझुइआ



माब्लाबाबो मदतगिरि सोद्रोमा नडमोन आरो बिथांहा बेजों जेबो

सोमोन्दो गैया। जिपिआरएन/एनएससिएन (इ) आ गावनि

एमआरपिनि गेजेरजों थानाय बिबानगिरिफोरखौ मुगैथाव खैसार सानायनि सिंनि जाहोन्खौ मोजाडै नायबिजिनरनो आरो नंखाय खौरां फोसावग्रा दायनिगिरि सुबुंफोरनि बेरेखायै थार आयेनारि नायबिजिनरनो थाखाय खावलायदों।







# आमेरिकायाव एडस-1 बि भिजानि सायाव ट्राम्प आरो एलन मास्कआ गोरोबलायनो हायै जादों

# लक सभा बिसायख 'थि 2024 आव भट सोनाय एनआरआइनि अन्जिमाया सोरांआव फेदों

वाशिंग्टन, 29 डिसेम्बर: एलन मास्क आरो भिवेक रामास्वामीनि फारसेनिफ्राय लेभारफोरनि थाखाय एडस-1 बि भिजा हाबाफारिखौ गुवारै बिजिरनायनि उनाव दान्थे-बिदान्थे सोमजियो। डनल्ड ट्राम्पनि टिम सिडाव बेखौ लानानै गिदिर फारागथि नुजाथिदों। मास्क आरो रामास्वामीआ सानैबो गुबुन हादतयारि फोलेरनि दैदेनिगिरि आरो बिसोर ट्राम्पनि सरकारि इफिसिन्सि (दक्षता) बिफानखौ दैदेनगिसिनो दड।




मास्कआ आमेरिकानि टेक्निक बांहोनायखौ लाखिलाबायथानो थाखाय टप इन्जिनियारिफोरखौ

गोसो बोनायनि सायाव गोनांथि होदों। बिथानि बायदिब्ला, आमेरिकायाव गोहोम गोनां

इन्जिनियारिफोरनि अन्जिमाया जोबोद खम। बेखौ मोनसे खेलानि टिम बायदियै बुजिना लाजायो। रामास्वामीआ मास्कनि सान्नाय हनायफोरखौबो मख'दों। बिन इमाइग्रे शाननि सायाव होबथायखौ गुदि बिथा होग्राफोरा हेंथा होयो। बेनि सायाव लार लुमर, एन कुल्टर आरो मेट गेटजमोन बायदि सुबुंफोरा दुबु मोन्नाय फोसमायो।

बिसोर आमेरिका फर्स्ट नेम खात्थिखौ लोरबां खालामनायनि दाय जाबसिनो। गेटसआ जों बिसोरखौ इमाइग्रेशन नेमखात्थि खालामनो थिनाखै। बे दान्थे-बिदान्थेयाव खोला केरलिनानि आगुनि गभर्नर निक्की हेलीआबो हाबफायो। बिथाड इन्धेसमेन्टनि सायाव गोनांथि होनानै बुडोदि, जुदि तेक्निकेल उद्यगनो लेभारफोरनि गोनांथि दडब्ला, जॉनि सोलौंथाय नेम-खात्थिथाव इन्धेसमेन्ट खालामनो हागोन। जों गुबुनाव नोजोर होनायनि सिगां आमेरिकायाव इन्धेसमेन्ट खालामगोनांगौ। एडस-1 बि भिजा मोनग्राफोरनि गेजेराव बयनिखुइ बांसिन 70 जौखोन्दो भारतआरि दड। बेनिखायनो बेनि पलिसियाव सोलायनायनि बयनिखुइ देरसिन गोहोआबो भारतआरिफोरनि सायावनो गोसलैयो।

गोदान दिल्ली, 29 डिसेम्बर : सरासन्नायै लक सभा बिसायख 'थि 2024 नि माखासे गाबफोरखौ नुनो मोन्दों। नाथाय मोनसे गोदान अन्जिमा नुजाथिदों, जायखौ बुजिनयनि गोनांथि दं। अदेबानि 2024 नि लक सभा बिसायख 'थियाव एनआरआइ भट होग्राफोरनि बाहागो लानायाव गोबां दावखलायनाय नुनो मोन्दों। बिसायख 'थि आयगनि रिपर्टनि बायदिब्ला, 2019 नि 25.6 जौखोन्दो भट होग्राफोरनि रुजुनायाव बे खेबाव 2.5 जौखोन्दो एनआरआइ भट होग्राफोरा भट सोयो। गासै 1,19,374 रेजिस्टार जानाय एनआरआइ भट होग्राफोरनि गेजेराव सा 2,958 आल' भट होदों। बवेखानि भारतनि दरबा खोला राइज्योफोर, केरेला, अन्ध प्रदेश, तेलेंगाना, तामिलनाडु आरो कर्नाटकआव 2024, आव



बयनिखुइ बांसिन एनआइआर भट होग्राफोरनि रेजिस्टार दंमोन। इन्डियान एक्सप्रेसनि मोनसे रिपर्टनि बायदिब्ला, बेयाव 90 जौखोन्दो एनआरआइ भट होग्राफोरा दंफायो। आथिखालाव तामिलनाडु आरो कर्नाटकआव बे खेबआव रावबो एनआरआइआ भट सोयाखै। केरेलायाव 89 भट होग्राफोरनि रेजिस्टार दंमोन। नाथाय 2.97 जौखोन्दोआल' भट सोदों, जाय 2019 नि 29.13 जौखोन्दोनिखुइ जोबोद खम। उत्तर प्रदेश, राजस्तान आरो

पान्जाब बायदि राइज्योफोराव एनआरआइ भट होग्राफोरनि अन्जिमायाव बांदों। नाथाय भट होग्राफोरा जोबोद खम जादों। सुलुंनि बायदिब्ला उत्तर प्रदेशआव सा 859 रेजिस्टार जानाय भट होग्राफोर दंमोन। नाथाय रावबो भट सोयाखै। बेरा फारसे, पान्जाबाव सा 1,613 भट होग्राफोरनि गेजेराव सा 13 आल' भट होदों। फारसेथि अन्ध प्रदेश आरो तेलेंगानायाव भट होग्राफोरनि जौखोन्दोआव एसे साबसांनय नुनो मोन्दों।

## गारि बायनायनि बिथिडाव छतीसगढ़आ गिबि मासि आवगिदों



खालामनायावल' गोहोम खोखलैयाखे नाथाय हाथाइनि आखु थायखौ गोखै सिन खालामनायावबो गोहोम खोखलै दों। बेयो थारैनो छतीसगढ़नि थाखाय मोनसे गिदिर जाफुंसारनाय मानोना बे राइज्योआ महाराष्ट्र आरो उत्तर प्रदेश बायदि गिदिर राइज्योफोरखौबो उनाव दोनबाय। सोलिफु बोसोरनि नभेम्बराव मारुति सुजुकीनि वागनआरआ भारतआव बयनिखुइ बांसिन फानजानाय कारफोरनि गेजेराव बयनिखुइबो गोजौसिनाव दं। वागनआरआ नभेम्बराव 16,567 इउनिटफोर फानजादोंमोन। बे फारिलाइआव मारुति स्विफ्टआ 15,311 इउनिट, टाटा नेक्सनआ 14,916 इउनिट, टाटा पन्वआ 14,383 इउनिट। 14,383 इउनिटजों ब्रैथि आरो 13,393 इउनिटजों मारुति ब्रैज्जाया बाथि थावनियाव दं।

## एआइनि बिफा हिन्टनआ ए आइखौ लानानै सुबुं समाजनो सांग्रांथि होदों



गोदान दिल्ली, 29 डिसेम्बर : बिगियानखौ जुदि बाहायनो रोडोब्ला बेयो सुबुंफोरनि गासिबो जेंनाफोरखौ जानगार होनो हागौ। नाथाय बाहायनो रोडोब्ला बेयो फोजोबसांनयनि जाहोनाबो जानो हागौ। आथिखालाव जाय बायदियै आर्टिफिसियल इन्टेलिजेन्स (एआइ) खौ जानला मोनला बाहायनो हमदों, बेनि गिखंथाव गोहोमनि बागै एआइनि गडफादर होना गनायथिजानाय आरो नभेल बान्था देरहासारगिरि जेफ्रि हिन्टनआ सांग्रांथि होदों। बिथाडा बुंदों, फेगौ 30 बोसोराव बे टेक्नल'जिआ सुबुंथिखौ फोजोबसांनयनि जाहोना जागोननि 10-20 जौखोन्दो आसा दं। सिगां समाव हिंटनआ बुंदोंमोन

पिएइचडि खालामदों। बिथाडा कानाडानि टरन्ट इउनिभासिदिआव इमेटिसनि प्रफेसार। मोनसे मोगा-मोगियाव हिन्टन बिथानाव एआइनि फोजोबसांनयना गोहोमखौ लानानै सान्नायफोरा सोलायबाय नामा होन्ना सोंथि सोंनायाव बिथाडा गावनि सान्नाय थांखियाव सोलायाखै आरो 10-20 जौखोन्दो सिम आसाया बांदों होन्ना बुडो। लोगोसेनो सांग्रांथि एआइखौ गात्रि रोखेमै बाहायनो हागौ। इयुनाव एआइ टेक्नीकआ सुबुंफोरनिफ्रायबो स्मार्टसिन जानो हागौ। बेखौ सानहरोब्लानो गिखानाय मोनो। हिन्टन एआइखौ कन्ट्रलआव लानांगौनि गोनांथि दं होन्ना एआइनि जौगाखां होनाय गोखैथियाव गाव आसा खालामनायनिफ्राय जोबोद गोखैसिन। मुलाम्फानि थांखिजॉल' सोलिनय गिदिर कम्पानीफोरनि सायाव सोनारनायजों एआइनि रैखाथि गोनां जौगाखांनयखौ रोखा खालामनो हानाय नडा होन्नाबो बुडो।

## खोला करियानि उनाव कानाडाआव आरोबाव गिखंथाव उरां जाब्रबथाइ जादों



अटवा, 29 डिसेम्बर : खोला करियानि उनाव कानाडाआव गिदिर उरां जाब्रबथाइनिफ्राय इसेयावनो रैखा मोनो। कानाडानि हेलिफेक्स इन्टरनेशनल एयरपोर्टआव गंसे उरां जाहाज विंआ लेन्डिनि समाव रानवेआव हुध्रोदलांदों आरो बेनि उनाव बेयाव अर नाडो। अदेबानि बे जाब्रबथायव राननिबो जिउ गोमानायनि खौरं मोनाखै। खौरंनि बायदिब्ला, बे जाथाइआ शनिबार मोनायाव जादों आरो बे उरांआ बिजनेस एयरलाइननिमोन। जाब्रबथाइ जानाय पिएएल एयरलाइन्सनि 2259 उरांआ एयर कानाडानि डि हेविलेन्ड कानाडा डेश 8-400 जों उरां गाथोनाव लेन्डिं खालामदोंमोन। बे समावो बेनि लेफ्ट विं रानवेआव हुध्रोदो हमो आरो बेयाव अर जोंखाडो। बे जाथायाव उरांनि लेफ्ट विंनि लेन्डिं गियारआ ख'हा जानायनि उनाव उरांखौ इमार्जेन्सि लेन्डिं खालामनाडो। मोजाडै लेन्डिं खालामनो हानानै गिदिर जाब्रबथाइनिफ्राय रैखा मोनो। खौरंनि बायदिब्ला दावबायारिफोरबो सरासन्ना जोखोम जादों। अर लुखोमोरा हान्जाया लेन्डिं गियारनि अर नानायखौ गोखै खोमोरनो हायो। मख'जाथावदि, बेनि सिगां खोला करियानि मुआनआवबो गिदिर उरां जाब्रबथाइ जादों, जेराव सा 190 नि बांसिन सुबुंफोरनि जिउ गोमानायनि खौरं मोन्नाय जादों। खौरंनि बायदिब्ला, बे उरांआ अखांआव उरायनाय समाव मासे दावजों सौग्रावदोंमोन। बेनि उनाव इमार्जेन्सि लेन्डिंनि समावो लेन्डिं गियारआ फेल जायो आरो बे उरांआ एयरपरटनि वालनि फेन्सिजों सौग्रावहैना गिखंथाव बमा बायदि बेरफुयो।

गोदान दिल्ली, 29 डिसेम्बर: अटमबाइल सेक्टराव हादरनि दर 35 राइज्यो आरो इउटिफोरनि गेजेराव छतीसगढ़आ 18.57 जौखोन्दोनि गोबांथार जौगानाय रेबगात्थिदों। सोलिफु बोसोरनि जानुवारिनिफ्राय नभेम्बरसिम गासै 11 दानाव राइज्योआव 6.69 लाखनि बांसिन गारिफोर फानजादों। सोलिफु बोसोराव छतीसगढ़आव मटर-गारि फान्नायाव गोबांथार बांनयनि आन्दोआव बयनिखुइबो देरसिन बिफावआ राइज्योआव मावफुंजानाय जौगालु बिथांखिफोर दं, जाय सरासनसा सुबुंफोरनि रांखात्थियायि

थासारिखौ थोंजोडै गोखों खालामगासिनो दं। बेफोर बिथांखिफोरनि गेजेरजों गुबुन गुबुन मुलाम्फा मोनग्राफोरनो राडरि हेफाजाब आरो थुलुंगा होनाय लाबोदों, जाय बिसोरनि बायनाय गोहोखौ बांहोदों। रोंग'साफोरा फोथायोदि, प्रधान मन्थि आवास यजना, गुबुन गुबुन पेन्सन बिथांखिफोर आरो रोंग'थि जौगाथाय बायदि हाबाफारिफोरा राइजो, गामियायि आरो नोगोरारि ओन्सोलफोराव सोलायनाय लाबोनायाव बयनिखुइबो देरसिन बिफाव लादों। बेफोर बिथांखिफोरा खालि जिउनि गुनखौ साबसिन

## टेक्सास आरो मिसिसिपिआव गिखंथाव बारहुंखा बारलांदों

हिउस्टन, 29 डिसेम्बर : आमेरिकानि टेक्सास आरो मिसिसिपिआव शनिबारखालि मोनसेनि उनाव मोनसे गोबां बारहुंखा फेयो। बारहुंखाया गोबां न'-बांफोरनि उखुम आरो गारि-मटरफोरखौबो उरायखारहोयो आरो बेल्थाहोयो। गोबां बिफां-लाइफोराबो बायो-गुलुडो। बे बारहुंखायाव सा 2 सुबुंफोरनि जिउबो गोमादों आरो गुबुन सा 6 जोखोम जादों। ब्राजरिया काउन्टि शेरिफ मावख'नि बुंथिगिरि मेडिसन पलस्टानआ फोरमायदोंदि, हिउस्टाननि खोलाहा थानाय लिब्यारपुल ओन्सोलाव सासे सुबु थैयो आरो सा 4 गोब्राब जोखोम जायो। पलस्टानआ फोरमायदोंदि, लिब्यारपु आरो हिलक्रस्ट भिलेज



आरो एल्थिननि गेजेराव काउन्टिआव गोबां जायगाफोरा बारहुंखाजों गोहोम गोसलैदों। बिथाडा फोरमायदोंदि, दासिमाव बिबानगिरिफोरा गं 10 आबुं खहा जानायफोरनि बागै मिबथिहोदों। नाथाय दासिमबो ख'हाफोरनि बागै आबुडै मिबथिनो मोनाखै। आसा खालामनाय बायदिब्ला गोबां न'-बां, मुंदांखा

न'ब्लां, गलाफोरा ख'हा जादों। गोबां गारि मटरफोराबो बेल्थायदों। मिसिसिपि इमार्जेन्सि सामलायगिरि एजेन्सिनि बुंथिगिरिया बुंनय बायदिब्ला मिसिसिपिनि एडाम्स काउन्टियाव सासे सुबुंनि जिउ गोमादों आरो फेन्कलिन काउन्टियाव सानै जोखोम जादों।

## दिल्ली, इउपि-एमपियाव दिने अखानि एलाट

गोदान दिल्ली, 29 डिसेम्बर: सा भारतआव लान्थियै गुसुआ बांगासिनो दड। इउपि, हरियाणाजों लोगोसे राजस्थान, मध्य प्रदेश, पान्जाब आरो बिहायव अखा हानायजों बिदुड गोबां दावखलायो। दिल्ली-एन्सिआरजों लोगोसे गासै मध्य प्रदेशआव दिनेबो अखा हानायनि मिजिं दड। बोथोर बिफाननि बायदिब्ला, फेगौ सान्थामसिमाव सा भारतनि सोमोन्दो गोनां राइज्योफोराव अखा खोरोमनायजों लोगोसे सरसनस्नानिफ्राय गेजेर थाखोनि अखा हागोन। बेरा फारसे इउपि आरो दिल्लीजों लोगोसे बेनि खाथि-खाला राइज्योफोरनि थाखाय दिने बिफानआ गोखों अखा आरो सा-अन्थाइनि थाखाय एलाट फोसावो। गोबां बरफ गोसलैनायजों काश्मीर, उत्तराखण्ड आरो हिमाचल प्रदेशआव सरसनसा जिब-जुनातफोरनि सायाव गोबां गोहोम गोसलैगासिनो दड। बेयाव बरफनि गोजोन्नाय लानो



थाखाय दावबायारिफोरनि जाहोनाव काश्मीर हायेनिन सोमोन्दोया गुबुन हादतफोरनि उरां जाहाज आरो जामानीजों

जायो आरो हिमाचल प्रदेशआवबो मोनब्रै महारियायि राजा लामा आरो मोन 319 लामाफोरखौ बन्द' खालामना होनाय जायो। श्रीनगर एयरपोर्टआव बरफ आरो खम सोरांनि जाहोनाव गं 38 उरां जाहाजफोरनि हान्था-मेलयाव गोहोम गोसलैयो। बेराफारसे, उत्तराखण्डयाव चीन सिमनाखौ सरजाबग्रा तवाघाट-लिपुलेख लामाआ बुन्दीनि खाथियाव बन्द जायो। बेयावबो माखासे

जायगाफोराव गोबां अखा आरो बरफ गोसलैगासिनो दड। मानालीयाव 14 बोसोर उनाव 24 घन्टायाव 78 मि:मि: अखाखौ दिखानो मोन्नाय जादों। उत्तराखण्डयावबो गासै दर 100 गांमिफोरनि सोमोन्दोयाबो गाहाय लामाजों बायो। फारसेथि दिल्लीयाव हानाय अखाजों 101 बोसोरनि रिक्डआ बायो। थानाय शुक्रबारखालि दिल्लीयाव 41.2 मि:मि: नि अखा हायो।

## गुजरातआव दानसेनि गेजेराव 3 थि खेब बांग्रि मावदों



कच्छ, 29 डिसेम्बर : गुजरातनि कच्छनि हाया फिन खेबसेबाव बांग्रिजों मावखंदों। थानाय रबिबार फुडव कच्छआव 3.2 गोखैथिनि बांग्रि मावयो। गान्धी नोगोराव थानाय बांग्रि बिगियान संदानग्रा फसंथाननि बायदिब्ला फुंनि 10:06 रिंगायाव बे बांग्रिया मावयो।

बेनि गोखैथियाव खम जानायनि जाहोनाव बेयाव जेबो रोखोमनि ख'हा जानायनि सोमोन्दै खौरं मोन्नाय जायाखै। संदानग्रा फसंथाननि बायदिब्ला, बे बांग्रिनि मिरुआ भचाउनिफ्राय 18 किल'मिटर सा-सान्जाहा दंमोन। बे दानाव जिल्लायाव मावनाय बेयो थामथि बांग्रि।

बेनि सिगां 23 डिसेम्बर आरो 7 डिसेम्बरावबो कच्छआव बांग्रि मावदोंमोन। 23 डिसेम्बराव कच्छआव 3.7 गोखैथिनि बांग्रि फेदोंमोन। बेरा फारसे, 7 डिसेम्बरावबो कच्छआव बांग्रि मावलदोंमोन। रिक्टार स्केलआव बेनि गोखैथिखौ 3.2 यै सुनो मोन्दोंमोन। बेरा फारसे थानाय शुक्र बारावबो जम्मू-काश्मीरावबो बांग्रि मावदोंमोन। बे बांग्रि मावनायखौ हरनि 9:06 रिंगायाव सा काश्मीरनि बारमुला जिल्लायाव मोन्दाडो आरो बे बांग्रिनि मिरुआ 10 किल'मिटरनि गोथैआवमोन। बेयाव राननिबो जिउ ख'हा जायाखै।

## 35 बोसोर बैसोनि वर्ल्ड सेम्पियन पल बाम्बाआ रंसारि जाबाय

वाशिंग्टन, 29 डिसेम्बर: वर्ल्ड सेम्पियन बक्सार पल बाम्बाआ 35 बोसोर बैसोआवनो रंसारि जाबाय। बिथाड थानाय सप्ताहआव निउ जासिआव रजेलिय' मेथिनाखौ फेजेन्ना उब्लिउबिए गल्ड क्रुजारवेट वर्ल्ड सेम्पियन जादोंमोन। जेराव बेयो 2024 आव बिथानि नकआउटजों देरहानायमोन। बे देरहानायजोनो बाम्बाआ मुंदांखा हेभिवेट गेलेगिरि माइक ट्यूसननि थिसन्याय रेकर्डखौबो सिमफायदोंमोन। बिथाड गावनि केरियारनि समाव 19-3 देरहानाय आरो जेन्नाय रेकर्ड थिसनलांबाय। बिथाड आमेरिकानि पफ स्टार नी-यनि मोजां लोगोमोन। बिथानि रंसारि जानाया आमेरिकानि बक्सिन फोथाराव दुखुनि साया लाबोदों। जायनि जाउनाव रजेलिय मेथिनायाबो बिथानि हरखाबै रंसारि जानायखौ दुबु मोन्नाय फोसमायदों। बिथानि नख'पनिफ्राय फोसालाइआव बिथानि हरखाबै रंसारि जानायखौ गोमोनाय फोसमायदों। लोगोसे बाम्बानि



बिहोमाया आरो सुबुंफोरनि गोसोआव जायगा मोन्नाया जेब्लायबो गोसो खांजाबाय थागोनखौ मिजिथिदों। लोगोसे बिथानि रंसारि जानायव गावसोरनि नख'पनिफ्राय गोथैवै दुबु मोन्नाय फोसमायदों।



# बजालि जिल्ला बाथौ महासभानि जथुम्मा खुंदों दोरोडारि बाथौ आर 'ज, बर' हारिनि मोसानाय-मुसुरनाया बयजोंबो गोसो बोजादों

**भवानिपुर, 29 डिसेम्बर:** सरुपेटानि बगेमारियाव सानेनि हाबाफारिजों खुंनय दुलाराय बाथौ महासभानि बजालि जिल्ला आफादनि सेथि 2 बोसोरारि जथुम्माया दिने जाफुंसारि थुंगेबाय। मख 'नो गोनांदि, दिने फुडाव जागायजेनायावो दुलाराय बाथौ महासभानि फिरफिला बिरहोनाय आरो गोसोखां मान बाउनाय हाबाफारि खुंनयनि उनावो साननि 9 रिगानिफ्राय जथुम खुंनय जायगायाव जुथायै बाथौ आरो बर' हारियारि सुबुं मोसानाय हाबाफारि खुंनय जादों। गासै सा 300 निखुइ बांसिन बाथौ धोरेम सिबियारिफोर जथुमसालियाव गायसनाय बाथौ मन्दरनि खाथियाव 1 घन्टानाइँ दोरोडारि खाथियाव बाथौ आर 'ज सिबिथाय बाउदों। सिफुं, खाम, सेरजा दामनाया बाथौ आर 'जजों जथुम खुंनय जायगाया गोमखाडे। साननि 11 रिगानिफ्राय 2 घन्टानिफ्राय बांसिन समनाडेँ सा 300 निखुइ बांसिन बर' सिख्वा, आइजोफोर बागुमबा, खेराइ बायदि दोरोडारि बर' सुबुं मोसानाय दिन्थियावजों जथुम खुंनय जायगायाव मोनसे हारिमुआरि गोसो बोजानाय थासारि सोमजिदों। बेसासियाव दुलाराय बाथौ महासभानि बजालि जिल्ला आफादनि लेडइ आफादगिरि रबन स्वर्गियारीनि आफादगिरि मासि सामलायनायाव खुंनय गोवलां मेलखौ जागायजेनायावो बाजालि जिल्ला पुलिस बिबानगिरि



(एसपि) अजागौरन बसुमतारिआ बेखेवना होयो। बेखेवनाय बिबुंथियाव एसपि अजागौरन बसुमतारिआ मबाइल फननि समाजआरि बिजोडाव गात्रि आखुखौ गोसो जानाय, जौ, ड्रग्स बाहायनो गोसो जानाय समाजनि मोनफ्रोमबो जोलैनि गेजेराव हारिमुआरि आध्यात्मिकन सांग्राथि सोरजिनयजों गाहाइ बिथासिम लाबोफिन्यानि बिथिडाव समाजआरि आरो माहारियारि आफादखौ जरखा बिफाव आजावो खालायो। बजालि जिल्ला बाथौ महासभानि नेहाथारि हिजाक सिं बसुमतारिआ समाजनाय गोवलां मेलव बरय बिबुंथि लाखिदों जथुम्मानि बान्जाय आफादनि आफादगिरि दुगां

स्वर्गियारीआ। गोवलां मेलव गाहाइ आसालि महेर बर' कचारी अन्साय गावसुंथा गौथुमनि मावफुं सोद्रोमा महिपाल बर'आ बाहागो लाफेनानै बुंदोंदि, बर' हारिया समाजआव हारिमुआरि आरो आध्यात्मिक थासारि सोरजिनयनि बिथिडाव दुलाराय बाथौ महासभाया गोवलां साननाडेँ सांग्रा बिफाव लाबोदों। बर'फोरनि समाजआव मोजों हारिमु सोरजिनयनि थाखाय दुलाराय बाथौ महासभाया मोनसे सोमावसाग्रा गोवलां। बर'फोरनि माहारियारि जिउखौ दुलाराय बाथौ महासभाया सिगांलाहोदों। दुलाराय बाथौ महासभाया आसाम आरो सा-साजानि मोनसे गोखों आफाद। महिपाल बर'आ गावनि बिबुंथियाव गुबुन गुबुन हारियारि

**(1 बिलाइनिफ्राय)**  
24 घन्टानि गेजेराव मोनथाम गिदिर उरां ...  
बाग्लायनाय समआव के एल एम रयेल डच उरांआ रिमिनानै गोग्लैयो। अचल' उरां गाथोननिफ्राय आमस्टारडामसिम थानाय बरिय 737-800 उरांनि हाइड्रजेन राहायाव जेना सोमजिदोंमोन। बेनि जाउनाव अचल'निफ्राय 110 कि:मि: खोलाहा थानाय चेन्डफजर्ड उरां गाथोनाव बाग्लायनो गोनां जानायनि उनावो रानवेनिफ्राय रिमिनानै हाग्राबारियाव गोग्लैहैयो। बे उरांआव सा 182 दावबायारिफोर दडमोन। अदेवानि दावबायारिफोर गिदिर खेफोदआव गोलैनायनिफ्राय रेखा मोनो।  
मख 'नो गोनांदि, - 25 डिसेम्बरखालिबो काजाखास्तावान आजारवाइजाननि गंसे उरां गोग्लैफेनायाव सा 36 दावबायारिफोरनि जिउ गोमादोंमोन।

**बिटिआर सरकारआ दिने कमिउनिटि भिजन ...**  
हालामाव खौसे जौगायनाय, गोजोन-खौसेथिनि गोहोखौ बांहोनाय। थांखिगोबां भिजन डकुमेन्टखौ बेखेव खांनयनि उनाव बिटिआरनि गाहाइ खुंगिरि प्रमद बर'आ भिजन डकुमेन्टआव मख 'नाय थांखिफोर, गाहाइ हाबाफारिफोर आरो इयुननि मावथांखिफोरनि सायाव गुवारि फोसमायथिना होगोन, जायखौ ओन्सोलनि जौगानाय आरो दावगानायखौ दैदेनो थाखाय कमिउनिटि भिजन डकुमेन्टखौ थियारि खालामनाय जादों।

## धेमाजि जिल्ला एबसुनि 30थि बोसोरसालिया जथुम्मा आरो सिमेन दख 'रा एबसुनि 34थि...

फिरफिलाखौ बिरहोयो धेमाजि जिल्ला दुलाराय बर' फरायसा आफादनि आफादगिरि तेनर्जि बर'आ। बड'फानि सावगायियाव बिबार बावजेनो बोखावजायै लखिमपुर जिल्ला दुलाराय बर' फरायसा आफादनि आफादगिरि प्रबिन नाज्जोरिआ, मुंखं खाफ्मायाव बिबार बाउजेनो धेमाजि जिल्ला दुलाराय बर' फरायसा आफादनि लोगो आफादगिरि सुजित नाज्जोरिआ। फुंबिलिनि हाबाफारिआ जोबनायनि उनाव सानजौफु समाव मोनसे गोवलां मेल लानाय जायो। धेमाजि जिल्ला दुलाराय बर' फरायसा आफादनि आफादगिरि तेनर्जि बर' बिथानि मासि लानानै दैदेन्याय गोवलां मेलखौ बेखेवनायै होयो बर' कछारि गावहायुं खुंथाइनि गाहाइ मावफुं सोद्रोमा मिहिनेस्वर बसुमतारिआ। गोवलां मेलआव गाहाइ आलासि महेर बाहागो लायो मिरु दुलाराय बर' फरायसा आफादनि आफादगिरि दिपेन बर'आ। गाहाइ आलासि दिपेन बर'आ गावनि बिबुंथियाव आथिखालाव दुलाराय बर' फरायसा आफादना बुहुमनि खना-खनला थानाय बर'फोरखौ खौसे खालामनाय, बि टि आरनि बाइजोआव थानाय बर'फोरनि रेखाथि, थामोन्था, सोलेंथाइ, समाजखाथि बायदि बिथिडाव थद 'नाय गैयै खामानि मावगासिनो थानाय आरो बि टि आरनि बाइजोआव थानाय थामहिनबा बर' कछारी गाव हायुडारि खुंथायनि सिडव गोग्लैनाय बर'फोरनि राजखान्थियारि मोन्थाय, रांखान्थि आरो सोलेंथाइ बिथिडाव जौगाहोनांगोन थिखाय बि टि आर गोरोबथानि दफाफोरखौ मावफुंजोबनो आसाम सरकार आरो मिरु सरकारखौ नारसिनबय थादों होनानै फोरमायो। लोगोसे सोलेंथाइनि जांखिखानायाव साफ्रोम फरायसाफोरजों लोगोसे बिमा-बिफायाबो बाहागो लाफाथारनांगोन होनानै गोवलां मेलआव बाहागो लाफेनाय दिथागिरिफोरखौ खालायो। दिनेनि गोवलां मेलआव थांखिजानाय बुंथिगिरि महेर बाहागो लायो राइज्यो सभानि एम.पि रोनगोरा नाज्जोरि, माननि आलासि महेर बाहागो लायो फारियै- बर' कछारि गावहायुं खुंथाइनि लेडइ मावफुं सोद्रोमा रमिअ नाज्जोरि, बर' थुनलाइ आफादनि नेहाथारि सोरजिला औवारि, दुलाराय बर' फरायसा आफादनि नेहाथारि बड'सा ब्रह्म, बि.पि.सि.सि नि गाहाइ लिंथुमगिरि सिबराम बसुमतारि, ए.पि.पि.एस.इउ नि बराम' बोसोनगिरि मानगोनो नेना खाडु, बर' बिमा गौथुमनि लिंथुमगिरि फामे स्वर्गियारि, बराम' एन.डि.एफ.बि (बि.टि.आर नि बायजो) नि आफादगिरि धरमेस्वर बसुमतारि, बराम' बि.एल.टि (बि.टि.आर नि बायजो) नि गाहाइ नेहाथारि बिस्तराम नाज्जोरि बिथानमोनजों लोगोसे गुबुन गुबुन माहारियारि आफादनि आफादगिरि/नेहाथारि, मैखोम दैदेनगिरि, ओन्सोलनि मेलेमजिबि आरो धेमाजि जिल्ला दुलाराय बर' फरायसा आफादनि सिडव थानाय मोनद 'दख 'रानि बिबानगिरिफोरजों लोगोसे गोबां राइजो-राजाफोरनि नुजाथिनाय आरो हेफाजाब होनायाव साननेनि हाबाफारिजों खुंनय धेमाजि जिल्ला एबसुनि 30थि बोसोरसालिया जथुम्मा आरो सिमेन दख 'रा एबसुनि 34थि बोसोरसालिया जथुम्माया जाफुंसारि जोबलाडे।

## एबसुनि खोला बिजनी दख 'रा आफादनि सनाथि माइथाय फोर्बो आरो सावदरभिता गुदि बर' ...

मख 'नो गोनांदि, साननि 9 रिगानिफ्राय गेदेत सावदरभिता ओन्सोलाव हारिमुआरि लामा हान्जा सुरनायखौ जागायजेनायावो गागि आरिमुगिरि, सावथुन दिहुनगिरि लिरार नाज्जोरिआ बेखेवना होदों। दोरोडारि बर' हारिनि हारिमुआरि महेर-मुस्त्रि दिन्थियाव हारिमुआरि लामा हान्जा सुरनायाव माखासे आरिमुगिरि, एबसुनि बिबानगिरि आरो राइजो-राजाफोर बाहागो लाफेदों। सान्जौफुनिफ्राय एबसुनि खोला बिजनी दख 'रा आफादनि आफादगिरि जनक स्वर्गियानीनि आफादगिरि मासि सामलायनायाव खुंनय बराम' एबसुनि दैदेनगिरिफोरनो मान बाउनाय हाबाफारिखौ एबसुनि बाक्सा जिल्ला आफादनि नेहाथारि जयचरण नाज्जोरिआ बेखेवना होयो। बेलासियाव जनक स्वर्गियारीनि आफादगिरि मासि सामलायनायाव खुंनय गोवलां मेलखौ एबसुनि बाक्सा जिल्ला आफादनि आफादगिरि उमेश दैमारीआ बेखेवना होदों। सनाथि माइथाय फोर्बो आरो जथुम्मानि बान्जाय आफादनि आफादगिरि आखार स्वर्गियारीआ बराय बिबुंथि लाखिनाय गोवलां मेलव एबसुनि गाहाइ नेहाथारि खनिन्द्र बसुमतारिआ गाहाइ आलासि महेर, सालबारि जिल्ला बर' थुनलाइ आफादनि आफादगिरि दम्बरधर बसुमतारि आरो सालबारि बिबाबनि एमपिएलए जय मुसाहारीआ जर'खा आलासि महेर, सालबारि जिल्ला बर' थुनलाइ आफादनि नेहाथारि बिक्रम बसुमतारिआ थांखिजानाय बुंथिगिरि महेर बिबुंथि होनायजों लोगोसे सालबारि टिसिएलसिनि मासिगिरि बिनद मुसाहारी, सालबारि जिल्ला बर' थुनलाइ आफादनि गायसनगिरि आफादगिरि जमिदार गयारीमोनजों लोगोसे माखासे जर'खा सुबुंफोर आलासि महेर बाहागो लाफेदों। मख 'नो गोनांदि, गोवलां मेलव जर'खा माननि आलासि महेर कक्राझार लकसभा बिबाबनि एमपि जयन्त बसुमतारिआ बाहागो लाफेनानै एबसु, बर' थुनलाइ आफाद, माहारियारि सान्नाय-हनाय, बर' हारियारि सोमोन्दै, राव, थुनलाइ, हारिमुआरि, गोजोन, खौसेथि, गुबुन गुबुन हारियारि गोरोबलायनाय बायदिनि सोमोन्दै बिबुंथि लाखिदों। मेलव बर' सावथुननि दैमासा ब्रह्म (मेन्डेला) आ लाइसि बेखेवदों। जायनि उनाव मोनाबिलिनिफ्राय हारिमुआरि हाबाफारि खुंनय जायो।

## बर' आइजो लिरगिरि गौथुमआ आइजो लिरगिरिफोरनि दिहुनाय गां 15 बिजाब...

बेखेवनाय गां 15 गोदान बिजाबफोरनि गेजेराव दं अन्जु नाज्जोरिनि राइथाय बिजाब "रायथाइ आरो सावरायथाइ", मिरा ब्रह्मनि खन्थाइ बिजाब "थाखोमानाय बरादिनि सेर सेर", उ इन्दिरा बर'नि "थुनलाइयाव समाज सान्थौ आरो गुबुन गुबुन" भाजिन जेकभा मोसाहारिनि "रायथाइ लिरथुम", उ इन्दिरा बर' आरो उ लाइसि महिलारिनि राइथाय बिजाब "राव, थुनलाइ आरो हारिमुनि जौगालु दाहार", सुनीति बसुमतारीनि खन्थाइ आरो मेथाइ बिजाब "दांग्रिसे खन्थाइ-मेथाइ बिदां", थीर्ज्यु ज्योतिनि सुंद' सल' बिजाब "सिखाव", अनिला बसुमतारिनि खन्थाइ बिजाब "दों जौसे बाथ्रा फांथे खन्थाइ", उ दिपाली खेरकाटारीनि सुंद' सल' बिजाब "दाया सोरनि", नीला हायनारिनि खन्थाइ बिजाब "माइब्रा हाजो", जयसि बसुमतारिनि खौरांगासे थुनफावथाय बिजाब "दोंसे लामानि आरिमु", जेनेभा मुछहारिनि खौरांगासे थुनफावथाइ बिजाब "गोजाननि समायना हाजो", चम्पावती ब्रह्मनि खन्थाइ बिजाब "आसिननि दुब्लि", भवानि बाग्लारिनि "जिउनि बुब्लि" आरो हिरन बसुमतारिनि "थरथिसे गोरबोनि मोदे" गासै गां 15 बिजाबफोरखौ दिने कक्राझार सहरआव थानाय नेटिभ इनस्टिटुट अफ बड'लेजि (एनआईबि) नि मावखुलियाव थानाय सावराय न'ब्लाडव बर' थुनलाइ आफादनि आफादगिरि उ सुथ नाज्जोरि, कक्राझार हिन्जावसा फरायसालिमानि गोरायुं उ आदाराम बसुमतारिमोन्हा आलासि महेर बाहागो लानानै बर'नि गोबां गागि आइजो लिरगिरिफोरनि नुजाथिनायाव बेखेवनायै होयो। सानसेयावनो गां 15 बिजाब बेखेवो हानायखौ गोजोन्याय फोरमायदों बर' आइजो लिरगिरि गौथुमनि आफादगिरि अन्जु नाज्जोरिआ। लोगोसे बर' थुनलाइ सोरजिनयाव आरो बर' थुनलाइखौ जौगाहोनायाव बर' आइजो लिरगिरिफोर माब्लाबावो उन जानानै थानाय नड होनानै फोरमायो।

## मानास माहारियारि पार्कआव दावबायारिफोरनि होंगो-दोंगो

**सालबारि, 29 डिसेम्बर:** सोलिफु 2024 माइथायनि दिने जोबथा रबिबार। बे थासारियाव गोजाम बोसोरखौ बरायनो सान्नेल' आद्रा थानाय समाव दिने राइज्योनि गुबुन गुबुन ओन्सोलजों लोगोसे मुलुगनि गुबुन मोनसे दावबायारि थावनि वाल्ड हेरिटेज साइट मानास माहारियारि पार्क आवबो दावबायारिफोरनि होंगो-दोंगो जाफेनायखौ नुनो मोन्याय जादों। मिथिंगायारि रानी महेर मुं होजाथाव मानासआव हादतआरि आरो गुबुन हादतआरिनि दावबायारिफोरा दावबायारिफे दों। मानासनि मिथिंगायारि आबहावा, बायदि रोखोमनि जिब-जुनातफोर थानायजों लोगोसे मिथिंगायारि समाइना नुथायफोरा आखाय फायखन्ना लिंहरनायाव दावबायारिफोर जीप शाफारी, मैदेर



शाफारी आरो राफिट खालामफेदों। दिने बोसोरनि जोबथा सान जाफेनो लानाय सानाव मानासनि बासाबारि हाग्रा ओन्सोलनि गाहाइ हाबग्रा गेटआव रंजा-गोजोन थासारिखौ नुनो मोनो। मिथिंगायारि थासारिखौ नख 'रारिजों लोगोसे

## मानासआव सान-हरनाडेँ भलिबल बादायलायनाया थुंगेबाय, खर्दैगुरि भलिबल हान्जाया सेम्पियन

**भवानिपुर, 29 डिसेम्बर:** मानास आन्सलिक फरायसा आफादनि बान्जायनायाव आरो मानास जीप शापारी आफादनि हेफाजाव मानास माहारियारि पार्क बासबारिनि गाहाइ हाबग्रा गेटनि लांगोनायाव खुंजानाय सान-हरनाडेँ हांखाय हरजानाय भलिबल बादायलायनायाव दिने फुंबिलि समाव खुंनय फाइनाल गेलेनायाव खर्दैगुरि भलिबल हान्जाया सेम्पियनसिप आरजिदों। मख 'नो गोनांदि मैया सानाव भलिबल बादायलायनायखौ मानास माहारियारि पार्कनि बासबारि रेन्जनि रेन्जार बारि बर'आ बेखेवना होदोंमोन। बेखेवनाय हाबाफारियाव बाक्सा जिल्ला फरायसा आफादनि आफादगिरि जुबिन दासजों लोगोसे माखासे जर'खा सुबुंफोर आलासि महेर बाहागो लाफेदों। दिने फुंबिलि समाव खुंनय फाइनाल गेलेनायाव खर्दैगुरि भलिबल हान्जाया

नायफेनो जुथायै राइज्योनि गुबुन गुबुन ओन्सोलनि दावबायारि हान्जाया मानासआव दावबायारिफेदों। दिनेनि सानाव मानासनि गंग्रोमबो रिजर्ट, लड्ज, हमस्टेफोर आबुं जादों। गंग्रोमबो जीपफोरा फुंनिफ्रायनो मुखुव जादों। मख 'नो

(1 बिलाइनिफ्राय)

## बि टि आर गोरोबथाजों लोगोसे बि टि सि गोरोबथानि आद्रा थालांनय दफाफोरखौ आबुडै...

मेलखौ मावफुडे आरो दिने नैथि सानआव फुंबिलिनि हाबाफारि बायदिदियै आफादनि फिरफिला बिरहोनाय, मुंख्लोंफोरनि मुडव बिबार बाउनाय हाबाफारिजों लोगोसे 2 थि थान्दे मेल जथुमनाय हाबाफारिफोरनि गेजेरजों साननेनि हाबाफारिखौ खुफुडे दतमा दख 'रा दुलाराय बर' फरायसा आफादना। दिनेनि थान्दे मेलखौ सामलायो दख 'रा आफादनि बुंथिगिरि रमाकान्त ब्रह्मआ। हाबाफारिनि थान्दे मेलआव हांखायजानाय बेखेवगिरि गाहाइ आलासि महेर बाहागो लायो मिरु दुलाराय बर' फरायसा आफादनि बुंथिगिरि अबित नाज्जोरि बिथाड। बेखेव बिबुंथियाव बिथाड एबसुनि संबिजित, सोलेंथाइनि थासारि, समाजआरि थासारि आरो बि.टि.आर. गोरोबथानि दफा मावफुनयनि सायाव गुवारि बिबुंथि लाखियो। बि टि आर गोरोबथाजों लोगोसे बि टि सि गोरोबथानि आद्रा थालांनय दफाफोरखौ आबुडै मावफुनायाव एबसुआ रावजोंबो कमप्रमाइज खालामनाय नड होनानै गावनि बिबुंथियाव फोरमायो मिरु एबसुनि बुंथिगिरि अबित नाज्जोरिआ। दिनेनि बे हाबाफारियावो मिरु दुलाराय बर' फरायसा आफादनि सुबुं फोनांजाव नेहाथारि बिरबां नाज्जोरि, थुनलाइयारि नेहाथारि मिनिमोरां ब्रह्म बिथांजों लोगोसे कक्राझार जिल्ला एबसुनि आफादगिरि बिथां कृपेस दैमारि, जिल्ला आफादनि मावथि बिबानगिरि, दख 'रा आफादनि बिबानगिरि बिथांमोनजों लोगोसे दख 'रानि सिडव थानाय दालाइसा एबसु आरो गुबुन-गुबुन माहारियारि आफादनि बिबानगिरि आरो राइजो-राजाफोरनि बाहागो लानायजों साननेनि हाबाफारिजों खुंनय दतमा दख 'रा दुलाराय बर' फरायसा आफादनि खुंगा 41थि बोसोरसालिया जथुम्माया जाफुंसारि जोबलाडे।

(1 बिलाइनिफ्राय)

## तामुलपुर जिल्ला बर' थुनलाइ आफादनि 19थि बोसोरारि...

बुंथिगिरि बिस्वजित दैमारिआ। बे हाबाफारियाव गाहाइ आलासि महेर बाहागो लायो बर' थुनलाइ आफादनि गाहाइ नेहाथारि निलकान्त गयारि बिथांजों लोगोसे जर'खा आलासि महेर बाहागो लायो बर' थुनलाइ आफादनि नेहाथारि बिनय कुमार नाज्जोरि आरो गोबां दैदेनगिरिफोर, लोगोसे ओन्सोलनि गोबां राइजो-राजाफोरनि बाहागो लानायजों दिनेनि हाबाफारिया मेहेर गोनाडेँ-जोबलाडे।

**चिरांनि चापागुरीयाव होबथाजानाय..**  
पुलिसआ होबथाजानाय ड्रग्सजों लोगोसे सासे सुरां फालांगिरिखौ हमो। हमजानाय ड्रग्स सुरां फालांगिरिखौ बडाइगाव जिल्लानि अभाइयापुरि थानानि सिडाय थानाय थिलफुखुरि गामिनि कादम आलि होन्ना सिनायथियो। हमजानाय ड्रग्स सुरां फालांगिरिनिफ्राय पुलिस मोनथाम साबोननि बागसु, 51 ग्राम सन्देह गोनां होबथाजानाय हेर'इन आरो गंसे नम्बर गैयै बाजाज सिटी-100 गारि, गंसे मबाइल फन बोखानानै संदानायखौ लाबाय थादों।



# गाहाम देहानि राहा

## मुलाखौ माखासे बेसादजों जायोब्ला गोबां खहा जानो हागौ!

गोजां बोथोराव मुला बेदरखौ गोबां मोनाय जायो। दैजों बुंफबनाय मुलायाव भिटाभिन सिनि बिबांखौ गोबां मोनाय जायो, जेराव बेयो जौनि देहायाव गोहो गेरा एन्ट अक्सिडेन्ट सोमजिहोयो, जाउनाव बेयो जौनि देहायाव बोथोरजों सन्देरनाय बेरामफोरखौ होबथानायाव मदत खालामो। नाथाय मुलाखौ माखासे बेसादफोरजों जायोब्ला मुलायफानि सोलायै खहासो जानांनो हागौ। आयुबेदनि जर'खागिरिफोरा फोसमायनाय बायदिब्ला, मुलाया जौनि देहायाव दुंखानाय लाबोयो। जेराव बेखौ मोनायाव जायोब्ला बेनि गोहोमा गुसुसो जायो। बेबायदि थासारियाव गाहायाव होनाय बेसादफोरजों मुलाखौ जाफायोब्ला खहा जानांनो हागौ। 1. मुला जाखानायनि उनाव गाइखेर लौनो नाडः जेब्ला नौथाड मुलानि सालाद



एबा ओंखि जायो अब्ला बेनि उनाव मोनायाव माब्लाबाबो गाइखेर लौनो नाड। बे मोनै बेसादखौ जयै बाहायनाय जायोब्ला, हार्ट बर्न, एसिड रिप्लेक्स आरो उदै सानायनि जाहोने जानो हागौ। 2. करला आरो मुलाजों माब्लाबाबो जानो नाडः जुदि नौथाड बे मोननै बेसादखौ जुथायै बाहायोब्ला मुलायफानि सोलायै खहा जानांनो हागौ। मानोना बे मोननै बेसादआव मोन्नाय सुफुंसार मुवाआ गावजों-गाव सोमजिनो हागौ, जाउनाव देहायाव गात्रि गोहोम गोलैनो

हागौ। बेबायदि थासारियाव हां लानायाव जेना सोमजिनो हागौ आरो बिखाजों सोमोन्दो थानाय बेरामफोरनि गिनांगौआ बारा जानो हागौ। 3. साहा लौनायनि उनाव मुला जानो नाडः साहा लौंखांनयनि उनाव मुला जायोब्ला उदैआव एसिडिटीआ बांसिनो हागौ। मानोना मुला मैंगआ देहायाव सुगलायनाय लाबोयो आरो साहाया जौनि देहायाव दुंखानाय लाबोयो जाउनाव गुबुन गुबुन बिहोमानि थाखाय जौनि देहायाव बे मोननैनि गोहोमआ गोलैनो हागौ।

# सलमान खाननि 'सिकंदर' सावथुननि टिजारखौ रिलिज खालामबाय

सलमान खाननि फैनो गोनां सावथुन 'सिकंदर' आ गोबाव समनिक्रायनो खौरांआव थादों। अन्साइगिरिफोरा बे सावथुनखौ नायनो थाखाय नेनानै दं। आधिखालाव सलमान खानआ गावनि अन्साइगिरिफोरनि नेनाय खामानिखौ फोजोबबाय। शनिबारखालि 'सिकंदर' सावथुननि अफिसियेल टिजारखौ रिलिज खालामबाय। नाडियाडवाला प्रडाक्सनआव बानायनाय बे सावथुनखौ 'गजनि' बायदि सुपारहित सावथुन होनो हानाय सावथुननि डायरेक्टर मुरुगुदासआ बानायदों। बे सावथुनआ फैनो गोनां बोसोरनि इदनि फोबोंआव



टिजारखौ रिलिज खालामनाय जाबाय। टिजारआव सलमान खानखौ फिन खनसेबाव गावनि गोखों एक्सनआव गुन्दाफोरनि हारा सिमफायनाय नुनो मोन्दों। मख'नो गोनांदि, सावथुनाव सलमान खानजों लोगोसे रश्मिका मन्डाना आरो काजल आग्रवालखौ गाहाइ फावआव नुनो मोनगोन। बेजों लोगोसेनो सुनिल शेट्टी, शरमन जशि, प्रतिक बब्बर, चेतन्य चौधुरी, सत्यराज आरो नवाब शाहआ गाहाइ फावआव सावथुननि सल'खौ फोरमायगोन। सावथुनखौ लानानै अन्साइगिरिफोरा जोबोद एक्साइटेड जादों। लोगोसेनो सलमान खानखौ एक्सन फावआव नायनो थाखाय उसु-खुथु जादों। सावथुनखौ साजित नाडियाडवालाआ प्रडिउस खालामदों।

रिलिज जागोन। सलमान खानखौ सावथुनआव गोखों एक्सननि मडआव नुनो मोन्दों। सलमान खानआ थानाय माखासे सानाव बे सुटिंखौ हाइड्राबादआव खालामदोंमोन।

अदेबानि, सलमान खानआ बे सावथुननि शुटिंखौ फोजोबबाय। साउथनि डायरेक्टरआ मुरुगुदासआ बक्स अफिसनि मास्टार आरो सल'नि जाखांफु नाय गेलेगिरि।

मुरुगुदासआ आमिर खानजों लोगोसे 'गजनि' सावथुन बानायदोंमोन। बबेखानि बे सावथुनाबो साउथनि रिमेकमोन। नाथाय बे सावथुना बक्स अफिसआव गोबां रां आरजिदोंमोन। मुरुगुदासआ थाबैनो सलमान खानजों लोगोसे जयै सावथुन लानानै फेगासिनो दं। शनिबारखालि सावथुननि

## देब आनन्दआ मिक बरारखौ सावथुनाव फाव खालामनो थाखाय अफार होदोंमोन



बल उड आ व जेब्लाइबो गोबां महरनि सुबुंफोर फैनो आरो थाडो। माखासे महरफोरा औरैबायदि जायो, जायफोरा सावथुनाव सोलिलानो हायाब्लाबो नाथाय नायगिरिफोरनि गोसोआव जायगा आवग्रिना लानो हायो। गोबां खेब बिबिन्दो जायोदि, नायगिरिफोरा महर मोखोंफोरखौ बावगारलाडो नाथाय बै फावखुंगुर एबा फावखुंग्रिनि मुंखौ माब्लाबाबो बावनो हाया। जौं दिनै बे बायदिनो सासे फावखुंग्रिनि बाथ्रा सावरायगासिनो दड। जायखौ देब आनन्द बायदि फावखुंगुरआ लन्व खालामदों। गिदिर गिदिर फावखुंगुर फावखुंग्रिजों लोगोसे खामानि मावनायनि खाबुबो

मोन्दों। नाथाय हिट फावखुंग्रिनि सिनायथि जानो हायाखै। नायगिरिफोरा बिथांनि खामानिखौ गोसोआव गैयाब्लाबो नाथाय मुंखौ थारैनो गोसोआव दड जानांगौ। जौं सावरायगासिनो दड फावखुंग्रि मिक बरारनि बाथ्रा। जाय गोबाव समनिक्रायनो पर्दा आरो फिसा पर्दानिक्राय जानगराव दड। नाथाय लुक्सनि बिथिडव दासिमबो रवबो फेजेनो हाया। फावखुंग्रि मिक बरारआ पान्जाबि नख'रनि। नाथाय बिथांनि जोनोमा जार्मानीयाव जादोंमोन। अदेबानि देब आनन्दनि नोजेरा बिथांनि सायाव गोलैयो आरो एभारगिन स्टारआ बिथांखौ सावथुनफोराव फाव खालामनो थाखाय अफार खालामो। मिक

बरारआ गोबाव समसिम सावथुनफोराव खामानि मावदों। नाथाय जेब्ला मुं आरजिनो हाया जायो अब्ला सावथुनफोरनिक्राय जानगरा जायो। नाथाय दासिमबो बिथाड गावनि सशेल मिडिया हेन्डेलआव एक्टिभ थायो। बिथांखौ सिनायनायफोरा मिबिथिनो हायोदि, गोबाव बोसोरनि उनावबो फावखुंग्रिनि लुक्स आरो स्टाइलआव जेबो जर'खा सोलायनाय फैयाखै। खमैबो 44 बोसोर बैसोनि जानाय फावखुंग्रिखौ दासिमबो जोबोर समाइना आरो किउट नुयो। मिक बरारआ 13 बोसोर बैसोआवनो सावथुन मुलुगाव आगान होनो खाबु मोन्दोंमोन। 'प्यार का तराना' सावथुननि गेजेरजों बिथांनि दावबायनाया जागायदोंमोन। बेनि अनगायैबो जंग, यमराज, सात रंग के सपनो, सपने, आजनाबी, चलो इश्क लडुएँ, हम आपके दिल में रहते हैं बायदि सावथुनफोराव खामानि मावदों। बिथांखौ बिग बसनि द'थि सिजनाव वाइल्ड कार्ड एन्टि खालामनायबो नुनो मोन्दों। बिथांनि पर्दायाव नुजानाया 2012 माइथायावनो जोब्यायमोन।

## काका मुंजोंबो मुंदांखा राजेश खानानि दिनै जोनोम सान



बलिउडनि आगुनि सुपारस्टार राजेश खानाआ आधिखालाव बे बुहुमाव गैलिया। नाथाय गावनि सावथुनफोरनि गेजेरजों नायगिरिफोरनि गोसोआव दासिमबो थानानै दड। 1960 आरो 70 जौथाइनि समाव अन्सायगिरिफोरनि गेजेराव राजेश खानानि अन्साय जानाया आलादा रोखोमनिमोन। गावनि केरियरआव बिथाड 150 निखुइ बांसिन सावथुनफोराव फाव खालामदों आरो भारतीय सिनेमायाव औरैबायदि जायगा बानायदों, जायखौ रवबो फावगिरिफोरा हायाखै। दिनै राजेश खानानि जोनोम सान। 1942 माइथायनि 29 डिसेम्बरआव जोनोम मोन्नाय राजेश खानाआ इन्डास्ट्रिआव आरो गावनि अन्सायगिरिफोरनि गेजेराव 'काका' मुंजोंबो मुंदांखा। राजेश खानाआ चेतन आनन्दनि सावथुन' आखिरी खत' निक्राय गावनि डेब्युखौ खालामदोंमोन, जाय 1966 आव रिलिज जादोंमोन। मोनसे सम दंमोन, जेब्ला राजेश खानाखौ बयनिखुइबो फोथाय जाथाव सुपार स्टार होन्ना मानिनाय जायोमोन। बेनि उनाव बिथाड राज, औरत, बहारे के सपने, इतेफाक आरो डलि बायदि सावथुनफोराव फाव खालामदोंमोन।

## पप सिंगार दुआ लिपाआ गावनि बयफ्रेन्डजों आस्थाम सोलायबाय



इन्टारनेशनेल पप सिंगार दुआ लिपाआ आधिखालाव गावनि पार्सनेल लाइफखौ लानानै खौरांआव थादों। बावैसो 29 बोसोर बैसोनि जानाय दुआ लिपाआ गावनि 34 बोसोर बैसोनि बयफ्रेन्ड आरो फावखुंगुर केलम टर्नरजों आस्थाम सोलायबाय। सुलुंनि बायदिब्ला, क्रिसमासनि समाव केलमआ हान्यु खरायना जिरायनानै दुआखौ रमानिक स्टाइलआव प्रपज खालामदों आरो आस्थाम गानहोदों। अदेबानि सानैबो 31 दिसेम्बरखालि लोगोफोर आरो नख'रनि सोद्रोगामफोरजों लोगोसे गावनि आस्थाम सोनायनि रंजानाय लानो प्लानिं खालामदों। दुआलिपा आरो केलम टर्नरनि सासे आंगो

खौरांगिरिया बेनि सोमोन्दै खौरां होनायनि गेजेरजों मिबिथि होयोदि, दुआ आरो के लममोनहा मानियो। बिथांमोनहा आस्थाम सोलायखांबाय आरो सानैबो जोबोद खुसि। बबेखानि सानैबो दासिमबो सशेल मिडियाआव आस्थाम सोलायनायनि अफिसियेल जेबो फोसावनाय जायाखै। अब्लाबो, अन्साइगिरिफोरा बावैसो सिगां दुआनि इन्स्टाग्राम पस्टआव बिथांनि समायना आस्थामखौ नुनो मोन्दों। दुआ आरो केलमआ 2024 नि जानुवारी दानआव गावसिनि एप्ल टिभि मिनि सिरिज 'मास्टर्स अफ द एयर' नि प्रिमियरनि उनाव मोनसे पार्टीआव गिबि लोगो मोनलायदोंमोन। सानैनि

## पृथ्विराज सुकुमारननि 'गुरुवायुर अम्बलनदायिल' सावथुना मोजां रां आरजिनो हादोंमोन



पृथ्विराज सुकुमारनखौ गोबां फावफोराव नुदों जानांगौ। बिथाड गोबां सावथुनफोराव एक्शन रलआव नुजाथिखांबाय। बावैसो सिगां नुजाथिनाय 'सालार' सावथुनाव बिथांनि एग्रेसिभ लुकखौ नुखांबाय। बेनि उनाव बिथाड

फावफोरावबो जोबोद मोजाडैनो खामानि मावो। बिथांनि कमिक एक्टिनि थाखाय बे सावथुना बक्स अफिसआव जादों। फावखुंग्रियाबो बे एक्सिडेन्टआव दुखु मोन्दों। सोराडाव फैनय खौरांनि बायदिब्ला, उर्मिला कठारेआ सुटिंनि उनाव न'आव फेफिनगासिनो दडमोन। न' फारसे फेफिनगायनि समाव हरखाबै उर्मिलानि ड्राइभरआ गोखैथिखौ सामलायनो हायैनि जाहोनाव सानै लेबारफोरनि सायाव गारिखौ सालायखोयो। पुलिसआ मिबिथि होयोदि, बे

जाफुं सारनायनि फिरफिला बिरहोदोंमोन आरो गोबां रंबो आरजिनो हादोंमोन। जौं जाय सावथुननि बाथ्राखौ

सावरायगासिनो दड बे सावथुननि मुंआनो जादों 'गुरुवायुर अम्बलनदायिल'। बे सोलिफु बोसोराव रिलिज जानाय सावथुनाव पृथ्विराज सुकुमारनआ लिड रलआव दड। बेनि अनगायैबो सावथुननि बेसिव जासफ आरो निखिला वार्माआबो दड। मालायालम रावनि बे सावथुनखौ बिपिन दासआ डायरेक्ट खालामदों। बे सावथुननि गासै बाजेटआ 30 कौटि रंमोन। खम बाजेटआव बानाय जानाय बे सावथुना बक्स अफिसआव 90 कौटिनिखुइ बांसिन रां आरजिनो हादोंमोन।

जायनि जाहोनाव सावथुना बोसोरनि द'थि हाइस्ट ग्रसिं मालायालम सावथुन जानो हादों। बे सावथुना आनन्दन आरो भिनु मुनि सानै सुबुंफोरनि सल'नि सायाव बानायनायमोन। जायनि गेजेराव बिगुमै-बिबोनांनि सोमोन्दो दडमोन। सानैनि जुलिखौ लानानै सावथुनाव जोबोद कनफिउजन जानानै दड। नाथाय सावथुन जोबनायसिमाव गासै कनफिउजनआ जोबो आरो आनन्दनआ जुलिनि थाखाय थियारि जायो। सावथुनाव पृथ्विराज सुकुमारनआ आनन्दननि फावआव दड।

## 2024 माइथायाव माखासे सावथुनफोरा फ्लप जादों आरो माखासेफोरा हिट जादों

2024 माइथायाव माखासे सावथुनफोरनि थाखाय मोजां जादों आरो माखासे सावथुनफोरनि थाखाय खहा जादों। माखासे हलिउडनि सावथुनफोर आरो वेब सिरिजआ सोलिफु बोसोराव सिक्वेल एबा रिमेकबो नुजाथिदों। बे फारिलाइयाव हलिउडनि जोबोद मोजाडै जाफुंसारनाय मोनसे सावथुननि मुंआबो दडमोन। नाथाय जेब्ला बे सावथुननि सिक्वेलआ 2024 आव फैनो अब्ला सुपारफ्लप जादोंमोन। बे हिसाबै 2024 नि फ्लप सावथुनबो जानो हागौ। 2024 माइथायनि बयनिखुइ देरसिन फ्लप एबा डिजास्टर सावथुननि बाथ्रा सावरायोब्ला 'जकार 2' सावथुननि मुंआ गिबियाव फैनो। माखासे क्रिटिक्सफोर 'जकार 2' सावथुनखौ बाखायदों नाथाय बक्स अफिसआव बेखौ रैखा खालामनो हायाखै। 2019 माइथायाव 'जकार' सावथुना रिलिज जादोंमोन आरो बेखौ टट फिलिप्सआ



लानानै फेदोंमोन। गासै बिथिडव बेयो ब्लकबास्टर जानो हादोंमोन। बान्थानि बिथिडवबो बे सावथुना फिरफिला बिरहोदोंमोन। 2019 माइथायाव बयनिखुइ बांसिन खौराडव थानाय सावथुनफोरनि गेजेराव मोनसे जानो हादोंमोन नाथाय 2024 माइथायाव जेब्ला 'जकार 2' सावथुनआ रिलिज जायो अब्ला गासैबो गलाय-गथाय जायो। रिपर्टनि बायदिब्ला, बे सावथुना सुपारहित जानो थाखाय 400 मिलियन डलार आरजिनो गोनांमोन। नाथाय सावथुना मुलुगनाडैनो 206 मिलियन डलार आरजिदोंमोन।

## माराठि फावखुंग्रि उर्मिला कठारेआ कार एक्सिडेन्ट जादों

माराठि सावथुन आरो टिभि स्व'फोराव नुजाथिनाय मुंदांखा फावखुंग्रि उर्मिला कठारेआ मोनसे कार जात्रबथायाव गात्रि रोखोमनि जोखोम जादों। बे जात्रबथाया बिथांनि कारआ सानै लेबारफोरजों सौरावदोंमोन, जाय जायगायावनो सासे लेबारनि जिउ गोमायो आरो गुबुन सासेया गात्रियै जोखोम जायो होन्ना मिबिथिनो मोन्नाय

जाथायाव फावखुंग्रि उर्मिला कठारेआबो जोखोम जादों। पुलिसनि बुंनाय बादिब्ला, कारनि एयर बेगआ थि समाव



गेवनायनि जाहोनाव फावखुंग्रिनि जिउआ रैखा मोनो। बे जाथाया मुम्बाइनि कान्दिवलि ओन्सोलाव पडसर

मेट्र स्टेसननि खाथियाव जादों। आधिखालाव फावखुंग्रिनि नख'रनि फारसेनिक्राय जेबो फिनजाथाव फोसावनाय जायाखै। कारआव थानाय फावखुंग्रि आरो कार सालायग्राखौ जोखोम जादों होन्ना मिबिथिनो मोन्नाय जादों। मुम्बाइ पुलिसआ कार सालायग्रानि बेरेखायै केस थिसनो आरो नायबिजिरनाय हावाफारिखौ जागायो।



বিকসিত  
অভিযান  
1947 TO 2047



BTR  
GOV  
বি টি আর সরকার  
সত্যমেব জয়তে

BHM  
BODOLAND  
HAPPINESS MISSION

## CEREMONIAL LAUNCH

### শুভ উদ্বোধন | ফোর্ডোআরি জাগায়নায়

— Mind Speaks: —

## Community Vision for BTR

# COMMUNITY VISION DOCUMENT

An initiative of the Government of Bodoland Territorial Region (BTR)

বড়োলেণ্ড ক্ষেত্রীয় অঞ্চল (বি.টি.আৰ) চৰকাৰৰ উদ্যোগত  
বহু'লেণ্ড হায়ুজাৰি আনসোল (বি.টি.আৰ.) সৌৰস্বাৰনি মৌনসে হাৰাফাৰি

🕒 11:00 AM



30th December, 2024



Pragjyoti ITA Centre, Machkhowa, Guwahati

Chief Guest

## Shri Lakshman Prasad Acharya

Governor, Assam

In the august presence of  
**Shri Pramod Boro**  
Chief Executive Member, BTR

and  
Cabinet Ministers of Assam  
& other dignitaries



WE ARE TOGETHER...  
FOR YOUR FUTURE... TO MAKE IT BETTER!